

ԺԻՐԱՅԻ ԱՒԵՏԻՍԵԱՆ
ԴԻՔՍՕՆ ԿՂԶԻՆ՝

Դրամատիկական Պատմուածք

[ԳՈՐԾՈՂ ԱՆՁԵՐ] *

ՄԱՅՐ

ՍԵՂԱ

ԱՐՓԻԿ

ԱՇՈՏ

ԱՆԾԱՆՕԹ

* Յանկը կազմուած է մեր կողմից: (Ծ. Խ.)

Գիւղական տան բակ:

Դարաւոր թթնում տակ՝ կարպետով ծածկուած թախտ, սեղան, մի քանի հնամաշ աթոռ:

Դիմացը՝ քարէ սանդուղք, պատշգամբ:

Մի կողմում՝ ճաղաւոր ցանկապատ, բակի դուռը, միւս կողմում՝ այգի:

Սեղան թախտին թիկնած կարդում է:

Պատշգամբից դանդաղ իջնում է մայրը:

ՄԱՅՐ - Եղբայրդ չեկաւ:

ՍԵՂԱ - (Սթափուելով): Հը՞:

ՄԱՅՐ - Աչոտը չեկաւ:

ՍԵՂԱ - Կը գայ, մայրիկ, դեռ չուտ է:

ՄԱՅՐ - Գիտի, որ անհանգստանում ենք, գոնէ զանգահարէր:

ՍԵՂԱ - Գուցէ չի կարողացել:

ՄԱՅՐ - Զի կարողացել... Պարզապէս անտարբեր է, անփոյթ...

ՍԵՂԱ - Ուր որ է՝ կը գայ, մայրիկ, մի՛ անհանգստանայ:

ՄԱՅՐ - Իսկ քեզ ի՞նչ է պատահել:

ՍԵՂԱ - Ի՞նչ... Ոչինչ:

ՄԱՅՐ - Աչքերդ կարծես արցունքոտ են:

ՍԵՂԱ - Կարդում էի:

ՄԱՅՐ - Տխո՞ւր բան է:

ՍԵՂԱ - Կարծես հայրիկի մասին գրուած լինի:

ՄԱՅՐ - Մե՞ր հայրիկի:

ՍԵՂԱ - Ըհը՛: Լսի՛ր, մայրիկ:

ՄԱՅՐ - Բայց ես ուշացել եմ:

ՍԵՂԱ - Երկար չի, մայրիկ: Ընդամէնը մի քանի տուն է, լսի՛ր:

(Կարդում է՝ արցունքները կուլ տալով):

Մի հեռաւոր, մի անանուն բլրի լանջի

Հին շիրմաթումբ է կանաչում.

Այնտեղ անյայտ մի զինուոր է յաւէտ ննջում,

Արցունքի պէս ցօղն է շողում ալ կակաչին,

Հովր տխուր ինչ-որ բառեր է մրմնջում
 Այն հեռաւոր, այն անանուն բլրի լանջին:
 Յուչ են դարձել դժուար օրերը նահանջի,
 Սպիացել վէրքերը խոր,
 Բայց ինչ-որ տեղ, խաղաղ գիւղում մի հեռաւոր
 Նկարի մօտ ծաղիկները չեն թառամում,
 Ու յիշում են, չեն մոռանում՝
 Հրաժեշտի համբոյրը ջերմ,
 Յուսադրող ու գուրգուրող խօսքը վերջին...
 ... Կը գան մի օր, կը գան նրանք, ծունկի կ'իջնեն
 Այն հեռաւոր, այն անանուն բլրի լանջին:

ՄԱՅՐ - (Հառաչանքով): Այո՛, կարծես հայրիկի մասին գրուած լինի:

ՍԵՂԱ - Մենք էլ չգիտենք, թէ որտեղ է նրա չիրիմը... Գոնէ մի բուռ հող տանէինք Հայաստանից, ծաղիկներ տանէինք...

ՄԱՅՐ - (Աչքերը սրբելով): Ո՞վ իմանայ որտեղ է, որ եղբայրական գերեզմանում:

ՍԵՂԱ - Հարկաւոր է փնտրել:

ՄԱՅՐ - Շատ եմ փնտրել, շատ տեղեր եմ գրել, հետաքրքրուել, բայց ոչ ոք չգիտի:

ՍԵՂԱ - Մայրիկ... Իսկ կարո՞ղ է պատահել... (Լուռ է):

ՄԱՅՐ - Ի՞նչ:

ՍԵՂԱ - Որ հայրիկը ողջ լինի: Ասում են...

ՄԱՅՐ - Ձէ՛, աղջիկս... Նա քաջի մահով ընկել է հէնց առաջին մարտում... Քառասուններկու թուականի դեկտեմբերին մենք նամակ ստացանք զօրամասի հրամանատարից... Դու տեսել ես այդ նամակը:

ՍԵՂԱ - Տեսել եմ...

ՄԱՅՐ - Այդպէս էլ գրուած է՝ քաջի մահով...

ՍԵՂԱ - Գոնէ այդ հրամանատարին գտնէինք:

ՄԱՅՐ - Նա էլ է զոհուել քաջի մահով... Նրանց զօրամասից քչերն են ողջ մնացել:

ՍԵՂԱ - Մի՞թէ անհնար է գոնէ մէկին գտնել, մի գինուորի, որ տեսել է հայրիկին, որ վերջին պահին...

ՄԱՅՐ - Մի՛ մտածիր, աղջիկս: Քո հայրիկի գերեզմանը գիւղի կենտրոնում բարձրացող յուշարձան-աղբիւրն է... Այնտեղ՝ գրանիտէ պատի վրայ, պատերազմում ընկած միւս քաջերի անունների կողքին փորագրուած է նաեւ քո հայրիկի անունը:

ՍԵՂԱ - Այո՛, փորագրուած է...

ՄԱՅՐ - Դուք պէտք է հպարտանաք ձեր հօրով... Նա կամաւոր մեկնել է ոսգմանակատ եւ իր կեանքը զոհաբերել յանուն հայրենիքի: Այդպիսի մահը հազար կեանք արժէ...

ՍԵՂԱ - (Մտախոհ) ... Մահ իմացեալ անմահութիւն է:

ՄԱՅՐ - Այո՛:

ՍԵՂԱ - Մայրիկ, դու լա՞ւ ես յիշում հայրիկին:

ՄԱՅՐ - Լաւ եմ յիշում:

ՍԵՂԱ - Իսկ ես չեմ յիշում: Ուզում եմ յիշել, բայց ոչ մի կերպ չեմ կարողանում:

ՄԱՅՐ - Ինչպէ՞ս կարող ես յիշել... Դու երկու ամսական էիր, երբ հայրդ զնաց:

ՍԵՂԱ - Իսկ հիմա տասնեօթ տարեկան եմ:

ՄԱՅՐ - Այո՛, մեծ աղջիկ ես, արդէն հասունութեան վկայականի քննութիւններ ես յանձնում... (Շոյում է աղջկայ մագերը): Եթէ հայրդ տեսնէր՝ ինչպէս ես մեծացել...

ՍԵՂԱ - Մի հեռաւոր, մի անանուն բլրի լանջի...

ՄԱՅՐ - Դէ լաւ, պարապի՛ր, պարապի՛ր, քիչ է մնացել... (Համբուրում է աղջկան ու քայլում դէպի բակի դուռը) Հա՛, եղբայրդ որ երեւայ, թող գայ ինձ մօտ: Ես գրասենեակում կը լինեմ:

Մայրը գնում է:

Սեղան մի պահ նայում է նրա ետեւից, կարծես ուզում է կանչել, ինչ-որ բան ասել, բայց լռում է ու նորից ձեռքն է առնում գիրքը:

ՍԵՂԱ - Մի հեռաւոր, մի անանուն բլրի լանջի... (Փակում է գիր-

քը, մտախոհ) Մի՞թէ իսկապէս անհնար է գտնել հայրիկի չի-
րիմը... Հարկաւոր է փնտրել, փնտրել...

Չրիկոցով բացում է բակի դուռը: Ներս է վազում Արփիկը:

ԱՐՓԻԿ - Բարի լոյս, Սեղա:

ՍԵՂԱ - Բարի լոյս, Արփիկ: Ուշ ես գալիս:

ԱՐՓԻԿ - Սկսե՞լ ես արդէն:

ՍԵՂԱ - Ձէ՛, ուրիշ բան էի կարդում:

ԱՐՓԻԿ - Իսկ ինչո՞ւ ես տխուր:

ՍԵՂԱ - Յիշեցի հայրիկիս...

ԱՐՓԻԿ - Իմ հայրն էլ է երբեմն յիշում նրան եւ... էլի տխրում
է... Ախր նրանք լաւ ընկերներ են եղել, միասին են աշխատել
եւ նոյն օրն էլ գնացել են ռազմաճակատ... Ափսոս, որ նոյն
գործածատում չեն կոտել...

ՍԵՂԱ - Գիւղում շատերն են յիշում հայրիկին:

ԱՐՓԻԿ - Յիշում են եւ հպարտանում: Նա... նա իսկական հե-
րոս է եղել... ե՛ւ աշխատանքում, ե՛ւ... (Յանկարծ կարծես
իմչ-որ բան է յիշում): Լսի՛ր, Սեղա, այսօր ձեր տուն ոչ ոք չի՞
եկել:

ՍԵՂԱ - Իսկ ո՞վ պիտի գար:

ԱՐՓԻԿ - Ուրեմն՝ չի եկել:

ՍԵՂԱ - Ո՞վ:

ԱՐՓԻԿ - Մի անծանօթ մարդ ձեր մասին էր հարցնում:

ՍԵՂԱ - Մե՞ր մասին:

ԱՐՓԻԿ - Քո, եղբորդ:

ՍԵՂԱ - Իսկ որտեղի՞ց գիտէր մեր մասին:

ԱՐՓԻԿ - Չգիտեմ:

ՍԵՂԱ - Գուցէ... (Լռում է՝ իմչ-որ մտքով տարուած):

ԱՐՓԻԿ - Գուցէ ձեր բարեկամներից էր, ազգականներից:

ՍԵՂԱ - Հայրս ազգականներ չունի, որը է եղել... Նրա բոլոր
հարազատներին կոտորել են տասնհինգ թուականին...
Հայրս փոքր է եղել, ուսս զինուորներն են փրկել նրան...

ԱՐՓԻԿ - Գուցէ մայրիկիդ ազգականներից է եղել:

ՍԵՂԱ - Գուցէ: Իմացել է, որ մայրիկը գրասենեակում կը լինի
 եւ գնացել է այնտեղ:

ԱՐՓԻԿ - Ես ասացի, որ մայրիկը գրասենեակում կը լինի, բայց
 նա այնտեղ չգնաց:

ՍԵՂԱ - Զգնա՞ց...

ԱՐՓԻԿ - Զգնաց, ես տեսայ, քայլեց այգիների կողմը:

ՍԵՂԱ - Իսկ տան տեղը չհարցրե՞ց:

ԱՐՓԻԿ - Հարցրեց: Ինձ թւում էր, թէ նա տուն կը գայ... Գու-
 ցէ դեռ կը գայ: Եթէ չէր գալու, ինչո՞ւ էր հարցնում:

ՍԵՂԱ - Զարմանալի է... Ուրեմն՝ անծանօթ էր:

ԱՐՓԻԿ - Անծանօթ էր, բոլորովին անծանօթ: Ես առաջին ան-
 գամ էի տեսնում նրան:

ՍԵՂԱ - Այդ դէպքում գուցէ...

ԱՐՓԻԿ - Գուցէ ի՞նչ:

ՍԵՂԱ - Բայց մի՞թէ հնարաւոր է:

ԱՐՓԻԿ - Ի՞նչը:

ՍԵՂԱ - Որ նա լուր է բերել:

ԱՐՓԻԿ - Ումի՞ց:

ՍԵՂԱ - Հայրիկից:

ԱՐՓԻԿ - Բայց նա...

ՍԵՂԱ - Գիտեմ՝ ինչ ես ուզում ասել...

ԱՐՓԻԿ - Ո՛չ, ո՛չ:

ՍԵՂԱ - Այո՛, հայրիկը զոհուել է, բայց... գուցէ նրա ուղեւորա-
 կատային ընկերներից մէկն է փնտրել ու գտել մեզ... Ամէն
 տեղ դեռ փնտրում են, գտնում... Գիտե՞ս այսօր կարդում էի
 այդ բանաստեղծութիւնը եւ մտածում էի... Մենք չգիտենք
 նոյնիսկ, թէ որտեղ է հայրիկի գերեզմանը...

Փողոցում երեւում է Աշտը: Նա ձեռքով է անում, բայց տեսնելով, որ
 աղջիկները չեն նկատում, կռանում է ու գաղտագողի մօտենում բակի
 կիսաբաց դռանը:

ԱՐՓԻԿ - Եղբայրդ...

ՍԵՂԱ - Աչո՛տ... (Վեր է թռչում, վազում, թափով բացում բակի դուռը եւ դռան մէջ գրկում եղբօրը. յետոյ՝ մեղմ յանդիմանութեամբ)

Դու երէկ պիտի գայիր, ընկեր ուսանող:

ԱՇՈՏ - Երէկ չկարողացայ...

ՍԵՂԱ - Գոնէ զանգահարէիր...

ԱՇՈՏ - Մայրիկն անհանգստանում էր:

ՍԵՂԱ - Չգիտե՞ս մայրիկին:

ԱՇՈՏ - Գիտեմ, դրա համար էլ դեռ լոյսը չբացուած՝ ճանապարհ ընկայ... Տա՛նն է:

ՍԵՂԱ - Քիչ առաջ գնաց:

ԱՇՈՏ - Ոչինչ, կը գնամ մօտը: (Մօտենում է, սեղմում Արփիկի ձեռքը): Տքնում էք:

ԱՐՓԻԿ - Կամաց-կամաց...

ԱՇՈՏ - (Փոքրիկ ճամպրուկից հանում է մի փաթեթ եւ կեղծ հանդիսատիութեամբ պարզում է աղջիկներին): Ահա ձեզ քաղցրեղէն, որ մեղմացնի ձեր տքնութեան դառնութիւնը:

Աղջիկներն աղմուկով բացում են փաթեթը:

Արփիկը յանկարծ լարում է ու նայում ցանկապատի կողմը: Փողոցով անցնում է անծանօթը: Բարձրահասակ մարդ է, ալեխառն, փոքր-ինչ կորացած: Քայլում է դանդաղ, ինչ-որ փնտրում է կարծես:

ԱՐՓԻԿ - Նա է:

ԱՇՈՏ - Ո՞վ:

ՍԵՂԱ - Սպասի՛ր: (Վազում է ցանկապատի մօտ): Անցաւ... (Վերադառնում է թախտի մօտ):

ԱՐՓԻԿ - Ճանաչեցիր՞:

ՍԵՂԱ - Չէ՛:

ԱՐՓԻԿ - Իսկապէս զարմանալի է:

ԱՇՈՏ - Ի՞նչ էք հանելուկներով խօսում... Ի՞նչ կայ զարմանալի: Մի մարդ անցաւ փողոցով:

ՍԵՂԱ - Դու տեսա՞ր այդ մարդուն:

ԱՇՈՏ - Տեսայ, յետոյ ի՞նչ:

ՍԵՂԱ - Ճանաչեցիր՞:

ԱՇՈՏ - Ինչպէ՞ս կարող էի ճանաչել, երբ առաջին անգամ էի տեսնում... Ի՞նչ է, հռչակաւոր դերասա՞ն է, թէ՞ ֆուտբոլիստ, որ աշխարհն իմանայ, ես էլ նկարով ճանաչեմ:

ՍԵՂԱ - Է՛հ, չէ՛, չէ՛...

ԱՐՓԻԿ - Նա ձեր մասին էր հարցուփորձ անում:

ԱՇՈՏ - Յետոյ ի՞նչ:

ՍԵՂԱ - Յետոյ անցաւ մեր դռան մօտով ու տուն չմտաւ:

ԱՇՈՏ - Ու դուք էլ մի ամբողջ դէտէկտիվ պատմութիւն յօրինեցիք խորհրդաւոր անծանօթի մասին... Գուցէ գնացել է գրասենեակ՝ մայրիկի մօտ: Ամէն եկող նախագահին է դիմում:

ՍԵՂԱ - Գուցէ... Բայց չէ՛, չէ՛, նախագահի մօտ գնացողն ինչո՞ւ պիտի հարցնէր քո մասին, իմ մասին:

ԱՇՈՏ - Ճանաչել է... Կամ գուցէ պարզապէս հետաքրքրուել է՝ իմանալու համար, թէ ինչպիսի մարդ է նախագահը:

ՍԵՂԱ - Ձէ՛, այստեղ ուրիշ բան կայ:

ԱՇՈՏ - Է՛հ, երեխայ... Ամէն տեղ անհասկանալի, անբացատրելի բաներ ես փնտրում:

ՍԵՂԱ - Ձեմ ասում՝ անբացատրելի...

ԱՐՓԻԿ - Նա վերադառնում է:

Յանկապատի ետեւում երեւում է Անժամօքը, որ հետաքրքրութեամբ նայում է տան կողմը:

ՍԵՂԱ - Այո՛, նա է:

ԱՐՓԻԿ - Գուցէ ներս հրաւիրենք:

ՍԵՂԱ - Հրաւիրենք, իհա՛րկէ:

Անժամօքը մօտենում է բակի դռանը:

ԱՆԾԱՆՕԹ - Բարե՛ւ ձեզ:

ՍԵՂԱ - Բարե՛ւ ձեզ:

ԱՐՓԻԿ - Բարե՛ւ ձեզ:

ԱՇՈՏ - Դուք որեւէ մէկի՞ն էք փնտրում:

ԱՆԾԱՆՕԹ - Ազատեանների տունը սա՞ն է:

ԱՇՈՏ - Սա է, յամեցէք: (Գնում է ընդառաջ):

ԱՐՓԻԿ - Ես ասացի չէ՞, որ նա կը գայ:

ՍԵՂԱ - Դու վազիր մայրիկի մօտ, ասա՝ Աշոտը եկել է, ասա՝ մի անծանօթ մարդ էլ է եկել: Սիրտս վկայում է, որ նա մեզ մի շատ կարեւոր բան է ասելու:

Արփիկը գլխով է անում եւ, հետաքրքրութեամբ նայելով անծանօթին, գնում է՝ հետզհետէ արագացնելով քայլերը. փողոցում սկսում է վազել:

Աշոտն ու Անծանօթը մօտենում են քախտին:

ԱՇՈՏ - Նստեցէ՛ք, խնդրեմ:

ԱՆԾԱՆՕԹ - Շնորհակալութիւն: (Նստում է եւ թաշկինակով սրբում քրտինքը): Մի բաժակ ջուր կարելի՞ է:

ՍԵՂԱ - Հիմա: (Վազում է տուն):

ԱՆԾԱՆՕԹ - Դուք Աշոտն էք:

ԱՇՈՏ - Այո՛:

ԱՆԾԱՆՕԹ - Ինձ ասացին, որ դուք ուսանող էք արդէն, սովորում էք համալսարանում:

ԱՇՈՏ - Քիչ առաջ եկայ... Ձէ՞ որ այսօր կիրակի է:

ԱՆԾԱՆՕԹ - Ախ, հա՛... մոռացել էի...

Սեղան ջուր է բերում:

ՍԵՂԱ - Յամեցէ՛ք:

ԱՆԾԱՆՕԹ - Շնորհակալութիւն: (Խմում է): Հրաշալի ջուր է... Այս շոգին եթէ այս ջուրն էլ չլինէր...

ՍԵՂԱ - Ուզո՞ւմ էք ձեզ համար թթուաչ խնձորներ բերեմ: Նրանք աւելի են յագեցնում ծարաւը:

ԱՇՈՏ - Հայրիկի՞ ծառից:

ՍԵՂԱ - Ըհ՛ր՛: (Գնում է այգու կողմը):

ԱՇՈՏ - Հայրիկն այդ ծառը տնկել է պատերազմ գնալու տարին: Հիմա շատ մեծ ծառ է...

ԱՆԾԱՆՕԹ - Դուք յիշո՞ւմ էք ձեր հայրիկին:

ԱՇՈՏ - Ես շատ փոքր եմ եղել, երբ նա գնացել է պատերազմ եւ... Ընկել է հէնց առաջին մարտում...

ԱՆԾԱՆՕԹ - (Մտախոհ) Այդպէս...

Սեղան խնձորներ է քերում:

ՍԵՂԱ - (Անձամօթին) Կերէ՛ք, խնդրեմ... Երեւում է՝ մեր չոգե-
րին սովոր չէք:

ԱՆԾԱՆՕԹ - Այո՛, սովոր չեմ: Այնտեղ, որտեղ ես եմ ապրում,
երբեք չոգից զանգատուելու առիթ չի լինում:

ՍԵՂԱ - Ուրեմն հեռուից էք եկել:

ԱՆԾԱՆՕԹ - Շատ հեռուից... Դիքսօն կղզի, լսե՞լ էք:

ՍԵՂԱ - Դիքսօն կղզի՞... Կարծես լսել եմ... Այդ որտե՞ղ է... Ար-
տասահմանո՞ւմ:

ԱՇՈՏ - Ունեթուկ: Եւ դեռ աշխարհագրութիւնից գերազանց ես
ստացել... Դիքսօն կղզին հեռաւոր Հիւսիսում է... Անմար-
դարեակ մի սառցակտոր:

ՍԵՂԱ - Յիշեցի, յիշեցի...

ԱՆԾԱՆՕԹ - Ինչո՞ւ անմարդաբնակ... Ինչո՞ւ սառցակտոր...
Այնտեղ էլ մարդիկ են ապրում:

ՍԵՂԱ - Իհա՛րկէ, ապրում են:

ԱՇՈՏ - Մշտապէ՞ս:

ԱՆԾԱՆՕԹ - Մշտապէս... ինչպէս այստեղ:

ԱՇՈՏ - Դժուար կը լինի:

ԱՆԾԱՆՕԹ - Հեշտ չէ... Բայց այնտեղի կեանքն էլ իր գեղեցկու-
թիւններն ունի: Ճիշտ է, այնտեղ այսպիսի հրաշալի խնձոր-
ներ չկան, բայց դրա փոխարէն այստեղ էլ սպիտակ արջեր
չկան:

ԱՇՈՏ - Պարզ է, այնտեղ սպիտակ արջեր կը լինեն:

ՍԵՂԱ - Ազատ չրջո՞ւմ են:

ԱՆԾԱՆՕԹ - Ազատ:

ՍԵՂԱ - Սարսափելի՞ են:

ԱՆԾԱՆՕԹ - Բոլորովին: Գեղեցիկ են ու բարի:

ԱՇՈՏ - Փաղանանոցում չե՞ս տեսել:

ԱՆԾԱՆՕԹ - Փաղանանոցինն՝ ուրիշ... Հարկաւոր է տեսնել ա-
զատութեան մէջ, բնական վիճակում... Ամէն արարածի ճա-
նաչելու համար պէտք է տեսնել բնական վիճակում...

ԱՇՈՏ - Ես սիրում եմ ճանապարհորդել, դրա համար էլ աշխարհագրական ֆակուլտետն եմ ընտրել... Անցյալ տարի եղել եմ Ղազախստանում... Այս տարի էլ քննութիւններս աւարտեմ, կը գնամ որեւէ տեղ:

ԱՆԾԱՆՕԹ - Դիքսօն կղզի՞:

ԱՇՈՏ - Դիքսօն կղզին առայժմ կը սպասի: Աշխարհում չատ աւելի հետաքրքիր վայրեր կան:

ԱՆԾԱՆՕԹ - Ինչ թւում է՝ աշխարհի ամենահետաքրքիր վայրը մեր Դիքսօն կղզին է:

ԱՇՈՏ - Գուցէ ձեզ համար:

ԱՆԾԱՆՕԹ - Նաեւ ձեզ համար: (Ծխախոտ է հանում):

ՍԵՂԱ - Մի՛ ծխէք. խնձոր վերցրէք:

Անճամօրը ծխախոտը դնում է սեղանին, մի խնձոր է վերցնում եւ նայում այնպէս, կայծեւ ինչ-որ բան է փնտրում կեղեւի վրայ:

ԱՇՈՏ - Ինչո՞ւ է աշխարհի ամենահետաքրքիր վայրը Դիքսօն կղզին... նաեւ մեզ համար:

ՍԵՂԱ - Յետոյ կը հարցնես, թող մի հանգիստ խնձոր ուտի:

ԱՇՈՏ - Ներեցէ՛ք:

ԱՆԾԱՆՕԹ - Դուք չէ՞ք փնտրել ձեր հօր գերեզմանը:

ՍԵՂԱ - Փնտրել ենք, մայրիկը շատ տեղեր է դիմել...

ԱՆԾԱՆՕԹ - Եւ, իհա՛րկէ, չի գտել:

ՍԵՂԱ - Զի գտել, բայց...

ԱՇՈՏ - Մենք էլի կը փնտրենք:

ՍԵՂԱ - Այսօր ես հէնց այդ մասին էի մտածում... Կը փնտրենք ու կը գտնենք, անպայման կը գտնենք... Մի բուռ հող կը տանենք Հայաստանից, ծաղիկներ կը տանենք հայրիկի շիրմին...

ԱՆԾԱՆՕԹ - Ծաղիկներ...

ՍԵՂԱ - Ասում են՝ հայրիկը ծաղիկներ շատ էր սիրում:

ԱՆԾԱՆՕԹ - Այո՛, շատ էր սիրում ծաղիկներ եւ... երեխաներ:

ԱՇՈՏ - Դուք ճանաչո՞ւմ էիք մեր հայրիկին:

ԱՆԾԱՆՕԹ - Ճանաչում էի:

ՍԵՂԱ - Ես ասում էի, չէ՞, միշտ ասում էի:

ԱՆԾԱՆՕԹ - Ի՞նչ էիք ասում:

ՍԵՂԱ - Ասում էի՝ Հայրիկի ռազմաճակատային ընկերներից
մէկնումէկը ողջ մնացած կը լինի եւ կը գտնի մեզ, անպայ-
ման կը գտնի:

ԱՇՈՏ - Դուք Հայրիկին տեսել էք ռազմաճակատո՞ւմ:

ԱՆԾԱՆՕԹ - Ո՛չ... Յետոյ ենք հանդիպել:

ՍԵՂԱ - Մի՞թէ նա չի գոհուել ռազմաճակատում...

Գալիս է Մայրը. ակնյայտօրէն յուզուած է, անհանգիստ: Կասկածով
նայում է Անժանօթին:

ՄԱՅՐ - Բարե՛ւ ձեզ:

ԱՆԾԱՆՕԹ - Բարե՛ւ ձեզ:

ՍԵՂԱ - Մայրիկ, նա տեսել է Հայրիկին:

ՄԱՅՐ - Տեսե՞լ է... Մի՞թէ...

ԱՇՈՏ - Այո՛, եւ պատերազմից յետոյ:

ՍԵՂԱ - Լսո՞ւմ ես, մայրիկ, Հայրիկը չի գոհուել ռազմաճակա-
տում, Հայրիկը...

ՄԱՅՐ - Հեթաթիւններ... Փոխանակ դասերդ պարապելու, զրադ-
ուսմ ես զանազան պատահական մարդկանց կասկածելի
լուրերով:

ՍԵՂԱ - Մայրիկ, ինձ թւում է՝ նա...

ՄԱՅՐ - Գրքերդ հաւաքիր եւ գնա տուն: Նրա հետ ես կը խօ-
սեմ ու կը պարզեմ, թէ ինչ մարդ է. ինչու է եկել:

ՍԵՂԱ - Մայրի՛կ...

ՄԱՅՐ - (Խիստ) Գնա՛:

Մեղան, հագիւ զսպելով արցունքները, հաւաքում է գրքերն ու տեսրե-
րը եւ գնում տուն:

ՄԱՅՐ - (Որդուն) Ինչո՞ւ երէկ չեկար:

ԱՇՈՏ - Ժողով ունէ՛ինք:

ՄԱՅՐ - Գոնէ՛ զանգահարէիր:

ԱՇՈՏ - Չհասցրի, ու՛չ էր:

ՄԱՅՐ - Լաւ, զնա հանգստացիր:

ԱՇՈՏ - Ո՛չ, մայրիկ, ես կը մնամ:

ՄԱՅՐ - Ինչո՞ւ:

ԱՇՈՏ - Ես ուզում եմ լսել նրան:

ՄԱՅՐ - Ուզում ես լսել... Բայց գուցէ նա չուզենայ խօսել քո ներկայութեամբ: (Անձամօքին) Զէք ուզում, մի՞չաւ է:

ԱՇՈՏ - Զէ՞ք ուզում:

ԱՆԾԱՆՕԹ - Ես Դիրսօն կղզուց հասել եմ այստեղ, որ խօսեմ ձեզ հետ եւ ձեր քրոջ:

ԱՇՈՏ - Լսո՞ւմ ես, մայրիկ:

ՄԱՅՐ - Ես թոյլ չեմ տայ պղտորել իմ երեխաների միտքը:

ԱՆԾԱՆՕԹ - Ես ուզում եմ պարզել նրանց միտքը:

ՄԱՅՐ - Ինչո՞ւ էք խառնում ուրիշների կեանքին, ի՞նչ իրա-
ւունքով:

ԱՆԾԱՆՕԹ - Երեխաները պէտք է իմանան ճշմարտութիւնը ի-
րենց հօր մասին:

ՄԱՅՐ - Ամբողջ ճշմարտութիւնը յայտնի է նրանց:

ԱՆԾԱՆՕԹ - Մի՞թէ:

ՄԱՅՐ - Այո՛: Նրանց հայրը հերոսի մահով բնկել է ուղղամա-
կատում: Նրանք հպարտանում են իրենց հօրով:

ԱՆԾԱՆՕԹ - Նրանք կարող են եւ պէտք է հպարտանան իրենց հօրով... Բայց մի՞թէ դրա համար անհրաժեշտ է, որ հայրն ընկած լինի ուղղամաճակատում, հերոսի մահով: Զէ՞ք որ հերո-
սական մահից բացի կայ նաեւ հերոսական կեանք... երբ մարդը հերոսի նման է ապրում իր ամբողջ կեանքը, իւրա-
քանչիւր տարին, օրը...

ԱՇՈՏ - Այո՛, կայ հերոսական կեանք:

ԱՆԾԱՆՕԹ - Եւ այդպիսի կեանքով է ապրել ձեր հայրը:

ԱՇՈՏ - Բայց դուք չասացիք, թէ որտեղ էք տեսել նրան:

ԱՆԾԱՆՕԹ - Դիրսօն կղզում:

ԱՇՈՏ - Դիրսօն կղզո՞ւմ:

ԱՆԾԱՆՕԹ - Այո՛, պատերազմից յետոյ նա երկար տարիներ
ապրում էր Դիրսօն կղզում:

ԱՇՈՏ - Բայց ինչո՞ւ է նա գնացել Դիքսոն կղզին, ինչո՞ւ տուն
չի վերադարձել:

ԱՆԾԱՆՕԹ - Հարցրէ՛ք ձեր մօրը:

ՄԱՅՐ - Լոնցէ՛ք, ի սէր Աստծու:

ԱՇՈՏ - Մայրիկ, ինչո՞ւ հայրիկը տուն չի վերադարձել:

ՄԱՅՐ - Մի՛ հաւատու նրան:

ԱՇՈՏ - Ինչո՞ւ հայրիկը տուն չի վերադարձել:

ՄԱՅՐ - Ձեր հայրը զոհուել է ռադմաճակատում:

ԱՇՈՏ - Ինչո՞ւ հայրիկը տուն չի վերադարձել:

ՄԱՅՐ - Բաւական է:

ԱՇՈՏ - Ես պէտք է իմանամ, մայրիկ:

ՄԱՅՐ - Հաւատա՛ ինձ... Ձէ՞ որ մինչեւ հիմա հաւատացել ես...

Մի՞թէ՛ լուրտահական մի մարդ, որին առաջին անգամ ես
տեսնում, կարող է խօսիտել քո հաւատը հարազատ մօրդ
նկատմամբ:

ԱՇՈՏ - Ես պէտք է իմանամ ճշմարտութիւնը հօրս մասին:

ՄԱՅՐ - Ճշմարտութիւնը...

ԱՇՈՏ - Այո՛, ճշմարտութիւնը, մայրիկ:

ՄԱՅՐ - Բայց դու հասկանո՞ւմ ես, յիմար տղայ, ես ձեր մասին
էի մտածում: Ես չէի ուզում, որ ձեզ վրայ ստուեր ընկնի:

ԱՇՈՏ - Ստուեր... Ի՞նչ ստուեր... Ինչո՞ւ...

ՄԱՅՐ - (Թշնամաբար նայելով Անժանօրին): Թող նա բացատրի,
եթէ արդէն սկսել է:

ԱՆԾԱՆՕԹ - Կը բացատրեմ... Ես պարտաւոր եմ բացատրել...
Ես խօսք եմ տուել...

ԱՇՈՏ - Հայրիկի՞ն:

Բայց է մտնում Կրփիկը եւ լուռ կանգնում նրանցից քիչ հեռու:

ԱՆԾԱՆՕԹ - Այո՛: Ձեր հայրը չի զոհուել ռադմաճակատում:

Պատերազմից յետոյ նա ապրել է երկար տարիներ... միշտ
յիշելով ձեզ, կարօտելով ձեզ՝ մինչեւ վերջին վայրկեանը...

ԱՐՓԻԿ - Ի՞նչ էք ասում...

ՄԱՅՐ - (Շրջուելով) Դու այստե՞ղ ես:

ԱՐՓԻԿ - Նոր եկայ... պարապելու:

ՄԱՅՐ - Ես Սեղային կ'ուղարկեմ ձեր տուն... Այսօր մեզ մօտ չէր
կարող պարապել... Հիւր ունենք:

ԱՐՓԻԿ - Լաւ, ես գնամ... Ցտեսութիւն... (Գնում է՝ շուտ-շուտ ետ
մայելով):

ՄԱՅՐ - Հիմա կը տարածի գիւղով մէկ:

ԱՆԾԱՆՕԹ - Իսկ դուք ինչո՞ւ էիք կարծում, թէ անվերջ կարե-
լի է թաքցնել ճշմարտութիւնը:

ՄԱՅՐ - Իսկ ո՞ւմ էր հարկաւոր ձեր այդ ճշմարտութիւնը, ո՞ւմ
էր հարկաւոր:

ԱՇՈՏ - Մեզ էր հարկաւոր: Եթէ մենք իմանայինք, որ ինչ-որ
տեղ, թէկուզ աշխարհի ծայրում ապրում է մեր հայրը... ոտ-
քով էլ լինէր, կը գնայինք, կը հասնէինք նրա մօտ:

ԱՆԾԱՆՕԹ - Նա էլ էր հաւատում, որ եթէ իմանար, կը գար...
Եւ այդ հաւատով լի էին նրա վերջին խօսքերը:

ԱՇՈՏ - Ուրեմն հայրիկը...

ԱՆԾԱՆՕԹ - Նա մահացաւ երկու ամիս առաջ, իմ ձեռքերի
վրայ:

ԱՇՈՏ - Երկու ամիս...

ԱՆԾԱՆՕԹ - Եթէ մի քիչ էլ ապրէր, նա ինքը կը գար ձեզ տես-
նելու... Արդէն համոզել էինք... Նա պատրաստուում էր գա-
լու, բայց չհասցրեց...

ԱՇՈՏ - Իսկ ինչո՞ւ, ինչո՞ւ շուտ չէր գալիս:

ԱՆԾԱՆՕԹ - Նրան համոզել էին, որ եթէ գայ, ստուեր կը գցի
իր երեխաների վրայ:

ԱՇՈՏ - Ո՞վ էր համոզել:

ԱՆԾԱՆՕԹ - Զեր մայրը:

ԱՇՈՏ - Ե՞րբ:

ԱՆԾԱՆՕԹ - Պատերազմից յետոյ:

ԱՇՈՏ - Պատերազմից յետո՞յ... Մայրիկ, ուրեմն դու տեսել ես
նրան պատերազմից յետոյ:

ՄԱՅՐ - Դու, ի՞նչ է, ինձ հարցաքննում ես:

ԱՇՈՏ - Դու տեսե՞լ ես նրան, մայրիկ:

ՄԱՅՐ - Տեսել եմ, յետոյ ի՞նչ:

ԱՇՈՏ - Ե՞րբ:

ՄԱՅՐ - Քառասունհինգ թուականի աշնանը:

ԱՇՈՏ - Ուրեմն պատերազմից յետոյ նա տուն է եկել: Իսկ
մենք... մենք ինչո՞ւ չենք տեսել նրան:

ՄԱՅՐ - Դուք փոքր էիք... չէք յիշում:

ԱՇՈՏ - Ո՛չ, մայրիկ, եթէ տեսած լինէինք, չէինք մոռանայ:
Մենք չենք տեսել Հայրիկին:

ՄԱՅՐ - Այո՛, դուք չէք տեսել:

ԱՇՈՏ - Ինչո՞ւ:

ԱՆԾԱՆՕԹ - Այո՛, դուք չէք տեսել:

ԱՇՈՏ - Ինչո՞ւ:

ԱՆԾԱՆՕԹ - Ձեր Հայրը տուն է Հասել գիշերը: Դուք քնած էք
եղել: Նա տանից հեռացել է լուսածեղին: Դուք դարձեալ
քնած էք եղել:

ԱՇՈՏ - Իսկ ինչո՞ւ է հեռացել:

ԱՆԾԱՆՕԹ - Որովհետեւ ձեր մայրը Համոզել է, թէ մնալով նա
ստուեր կը գցի ձեզ վրայ:

ԱՇՈՏ - Ինչո՞ւ:

ՄԱՅՐ - Նա գալիս էր ֆաշիստական գերութիւնից, Հասկա-
նո՞ւմ ես, գերութիւնից:

ԱՇՈՏ - Գերութիւնի՞ց... Յետոյ ի՞նչ:

ՄԱՅՐ - Իսկ ես ուզում էի, որ իմ երեխաները Հպարտանան ի-
րենց հօրով, Հպարտանալու իրաւունք ունենան:

ԱՆԾԱՆՕԹ - Միայն երեխանե՞րը:

ՄԱՅՐ - Ես՝ նոյնպէս:

ԱՆԾԱՆՕԹ - Որովհետեւ վախենում էիք կորցնել ձեր պաշտո-
նը, ձեր դիրքը: Պատերազմի ժամանակ կօլտնտեսութեան²
նախագահ էիք դարձել, սպասում էիք չքանչանի...

ՄԱՅՐ - Իմ դիրքը Հարկաւոր էր երեխաներին:

ԱՆԾԱՆՕԹ - Աւելի՞, քան Հայրը:

ԱՇՈՏ - Ինչե՛ր ես արել, մայրիկ...

ԱՆԾԱՆՕԹ - Դուք դատապարտել էք նրան՝ առանց քննելու եւ

դատելու... Զէ֊ք էլ հարցրել, թէ ինչպէս է կոուել, ինչպէս է գերի ընկել, ինչպէս է իրեն պահել գերութեան մէջ:

ՄԱՅՐ - Հիմա հեշտ է խօսել այդ մասին:

ԱՇՈՏ - Իսկ ա՞յն ժամանակ...

ՄԱՅՐ - Դու չգիտես, չես իմանայ... (Անձամօթին) Մի՞թէ ձեզ չեն սովորեցրել, թէ ինչի համար պիտի պահի հայրենիքի զինուորն իր վերջին փամփուշտը:

ԱՆԾԱՆՕԹ - Սովորեցրել են:

ՄԱՅՐ - Էլ ինչո՞ւ էք ինձ մեղադրում:

ԱՇՈՏ - Վերջին փամփուշտը... Մի՞թէ հայրիկը սխալ է արել, որ ապրել է:

ՄԱՅՐ - Այն ժամանակ ես այդպէս էի հաւատացած... Եւ ինքն էլ: Ես նրան չստիպեցի: Ինքը համաձայնեց հեռանալ... Ինքն ասաց՝ այդպէս աւելի լաւ կը լինի:

ԱՇՈՏ - Իսկ դու չփորձեցիր պահել նրան:

ՄԱՅՐ - Զեզ համար:

Մանդուղքների վրայ երեւում է Սեդան՝ յուզուած ու այլալուծ, դանդաղ իջնում է:

ԱՇՈՏ - Իսկ ինչո՞ւ մեզ չէիր ասում:

ՄԱՅՐ - Դուք փոքր էիք, ի՞նչ պիտի հասկանայիք:

ԱՇՈՏ - Իսկ յետո՞յ... չէ՞ որ մեծացանք:

ՄԱՅՐ - Յետո՞յ... Ի՞նչ կարիք կար պղտորելու ձեր սիրտը: Զէ՞ որ դուք հաշտուել էիք այն մտքի հետ, որ ձեր հայրը հերոսի մահով ընկել է ռազմաճակատում:

ԱՇՈՏ - Հաշտուե՞լ էինք:

ՄԵԴԱ - (Մօտենում է, կանգնում մօր առաջ) Ո՛չ, մայրիկ, չէինք հաշտուել:

ՄԱՅՐ - Դու ինչո՞ւ եկար:

ՄԵԴԱ - Ես ամէն ինչ լսեցի, մայրիկ:

ՄԱՅՐ - Յետո՞յ:

ՄԵԴԱ - Դու չպէտք է մեղանից թաքցնէիր:

ՄԱՅՐ - Դո՞ւ էլ ես ինձ մեղադրում... Ախր ես ամբողջ կեանքս

մաշել եմ ձեզ համար, ձեր ապագայի համար... Ջահելու-
թիւնս... առողջութիւնս... Ես ամբողջովին այրուեցի աշխա-
տանքում... ձեզ համար: Ո՛չ քուն ունէի, ո՛չ հանգստութիւն...

ԱՇՈՏ - Բայց դու ինչպէ՞ս կարողացար մեր ապրող հօր անու-
նը փորագրել տալ զոհուած մարտիկների յուշարձանին:

ՍԵՂԱ - Եւ թաքցնել մեզանից, թաքցնել մեր հօրը:

ԱՇՈՏ - Ամբողջ տասնեօթ տարի...

ՄԱՅՐ - Թաքցնել... Եւ դուք հաւատում էք, թէ կարելի է թաքցր-
նել ապրող մարդուն... Ձեր հայրը գիտէր, թէ որտեղ էք
դուք: Եթէ չատ էր ցանկանում, կարող էր ձեզ հետ կապուե-
լու ճանապարհ գտնել:

ԱՆԾԱՆՕԹ - Նա գրում էր...

ԱՇՈՏ - Իսկ մենք ոչ մի նամակ չենք ստացել:

ՍԵՂԱ - Գրո՞ւմ էր...

ԱՆԾԱՆՕԹ - Այո՛, գրում էր, դժուարութեամբ, տառապանքով,
բայց գրում էր եւ... պատասխան չէր ստանում:

ԱՇՈՏ - Մի՞թէ, մայրիկ, դու ստանում էիր նամակները եւ
թաքցնում էիր մեզանից:

ՄԱՅՐ - Եթէ չատ էր ցանկանում, նա ինքը կարող էր գալ:

ԱՆԾԱՆՕԹ - Նա չատ էր ցանկանում... Երազում էր...

ՄԱՅՐ - Իսկ ինչո՞ւ չէր գալիս:

ԱՆԾԱՆՕԹ - Սպասում էր:

ՄԱՅՐ - Ինչի՞:

ԱՆԾԱՆՕԹ - Ահա թէ ինչի: (Գրպանից հանում է մի փոքրիկ սուփ
եւ յանձնում Աշոտին):

ԱՇՈՏ - (Բացում է տուփը) Շքանշա՞ն:

ԱՆԾԱՆՕԹ - Այո՛, մարտական չքանշան:

ՍԵՂԱ - Հայրի՞կն է ստացել:

ԱՆԾԱՆՕԹ - Այո՛, ձեր հայրիկը:

ՄԱՅՐ - Ինչի՞ համար:

ԱՆԾԱՆՕԹ - Պատերազմում ցուցաբերած խիզախութեան:

ՄԱՅՐ - Բայց...

ԱՆԾԱՆՕԹ - Նա ֆաշիստական զերութեան մէջ էլ չի յանձ-

նուեյ, մինչեւ վերջ պայքարել է... Իսկ դա աւելի դժուար է... Ամբողջ պատերազմի ընթացքում ես եղել եմ ռազմաճակատում եւ կարող եմ ասել, որ հեղտ է կոտել, երբ չուրջդ մարտական ընկերներ են ու բարեկամներ... Իսկ նա մենակ է եղել թշնամիների մէջ:

ՍԵՂԱ - Մենակ... թշնամիների մէջ...

ՄԱՅՐ - Ե՞րբ է ստացել այդ չքանչանք:

ԱՆԾԱՆՕԹ - Ուշ է ստացել... մահուանից երկու օր առաջ:

ՄԱՅՐ - Եթէ ես իմանայի...

ԱՇՈՏ - Իսկ ինչո՞ւ այդքան ուշ:

ԱՆԾԱՆՕԹ - Պատերազմն ու ժամանակը չատ թելեր էին խառնել ու խճճել... Ոմանք առանց ծառայութեան հերոս էին հռչակուել, իսկ չատ հերոսներ, որ պայքարել էին անձնւիրարար, մնացել էին ոչ միայն անյայտ, այլև՝ ստուերում, սեփական մեղքի ծանր գիտակցութեամբ, չգործած յանցանքի... Ժամանակ էր հարկաւոր՝ բացելու համար ժամանակի խճճած թելերը...

ՄԱՅՐ - Շատ երկար ժամանակ... ամբողջ մի կեանք... (Թուլացած ընկնում է աթոռին եւ գլուխն առնում ափերի մէջ):

ԱՇՈՏ - Ամբողջ մի կեանք...

ՍԵՂԱ - Պատմէ՛ք, պատմէ՛ք հայրիկի մասին:

ԱՆԾԱՆՕԹ - Ես կարող եմ ձեր հօր մասին պատմել չարաթներ չարունակ... Նա եղել է իմ լաւագոյն բարեկամը, դժուար օրերի լաւագոյն բարեկամը, երբ բարեկամութիւնն ստուգւում է իւրաքանչիւր քայլափոխում... Ուժեղ մարդ էր նա, ամուր, բայց երբ երևսայ էր տեսնում, աչքերը խոնաւանում էին... Նա չատ է պատմել ձեր մասին՝ երկար ճանապարհին, երկար գիշերները... Նա մտովի միշտ ձեզ հետ էր, երազում էր...

ՍԵՂԱ - Իսկ ի՞նչ էր անում նա Դիքսօն կղզում:

ԱՆԾԱՆՕԹ - Աշխատում էր՝ ինչպէս բոլորը: Լաւ մեխանիկ էր:

ԱՇՈՏ - Գիւղում էլ է մեխանիկ եղել:

ՍԵՂԱ - Իսկ ռազմաճակատում՝ տանկիստ:

ԱՆԾԱՆՕԹ - Գերմանացիները նրան հանել են այրուող տան-
կից... Նա վիրավոր է եղել, ուշագնաց... Մինչև խփուելը նրա
տանկը մեծ սխրանքներ է կատարել, ոչնչացրել է ֆաշիս-
տական երեք տանկ, մի քանի հրանոթ...

ԱՇՈՏ - Դու այդ գիտէի՞ր, մայրիկ:

ՄԱՅՐ - Նա պատմում էր... այն գիշեր:

ԱՆԾԱՆՕԹ - Իսկ դուք չէիք հաւատում:

ՄԱՅՐ - Ես չեմ ասել, թէ չեմ հաւատում:

ԱՆԾԱՆՕԹ - Դուք չէք ասել, բայց նա հասկացել է, զգացել...
Եթէ դուք հաւատալիք նրան...

ՍԵԴԱ - Ախ, մայրիկ...

ԱՇՈՏ - Պատմէ՛ք, պատմէ՛ք Դիքսոն կղզու կեանքից:

ԱՆԾԱՆՕԹ - Պատմելու բան չատ կայ, չգիտեմ ինչից սկսեմ:

ՍԵԴԱ - Թէկուզ մի դէպք:

ԱՆԾԱՆՕԹ - Մի դէպք... Բայց ո՞րը... Այնքան շատ են դէպքե-
րը, որ մեզ կապում են...

ՍԵԴԱ - Դէ... երբ դժուար է եղել:

ԱՆԾԱՆՕԹ - Շատ անգամներ է դժուար եղել... (Միջոց): Մի
անգամ մոլորուեցինք ձիւնէ հարթավայրում: Երկու օր չա-
րունակ քայլում էինք... Երրորդ օրը ես թուլացայ, յուսահա-
տուեցի... Գնա՛, ասացի նրան, դու դեռ ուժ ունես, կարող ես
քայլել, կեանքդ փրկիր:

ՍԵԴԱ - Իսկ հայրի՞կը...

ԱՆԾԱՆՕԹ - Իսկ ձեր հայրիկն ասաց՝ ո՛չ մի դէպքում: Կամ կը
փրկուենք երկուսով, կամ երկուսս էլ կը կորչենք: Բայց քա-
նի որ ես չեմ կարող մեռնել՝ առանց մի անգամ էլ երեխա-
ներիս տեսնելու, ուրեմն երկուսս էլ պիտի փրկուենք...

ՄԱՅՐ - Այդ նման է նրան, նման է նրան... Նա բիւրեղի պէս
մարդ էր... (Հեկեկում է):

ԱՆԾԱՆՕԹ - Հանգստացէ՛ք, հանգստացէ՛ք... Հիմա էլ չեն օգ-
նի ուշացած արցունքները:

ՄԱՅՐ - Այս արցունքներն իմ սրտում են եղել տասնեօթ տարի,
ամբողջ տասնեօթ տարի... Դուք կարծում էք ես քա՞ր եմ,

սիրտ չկա՞յ կրծքիս տակ... Կարծում էք ես չե՞մ մտածել նրա մասին, չե՞մ տխրել, չե՞մ կարօտել... Ո՞վ կարող է հասկանալ, թէ ինչքան դժուար է եղել ինձ համար, ինչքան ծանր է եղել այդ բեռը... Ձե՞ռ որ ես սիրել եմ նրան, սիրում էի, սիրում եմ... Եթէ Հնարաւոր լինէր նորից ապրել սխալ ապրած տարիները... (Հեկեկալով, արագ գնում է տուն):

ՍԵՂԱ - Մայրիկ... (Ուզում է հետեւել մօրը):

ԱՆԾԱՆՕԹ - Հանգիստ թողէք ձեր մօրը: Հիմա նրան հարկաւոր է լաց լինել:

ԱՇՈՏ - Նա երբեք լաց չի եղել... Նոյնիսկ ամենադժուար տարիներին:

ԱՆԾԱՆՕԹ - Իսկ դուք ի՞նչ գիտէք... Դուք հանգիստ քնել էք գիշերները: Մի՛ կարծէք, թէ նրա համար հեշտ է եղել:

ՍԵՂԱ - Սիրել եւ ամբողջ տասնեօթ տարի մեռած համարել իր կենդանի սէրը...

ԱՇՈՏ - Տասնեօթ տարի թաքնուել, թաքցնել...

ԱՆԾԱՆՕԹ - Դուք զեռ չառ էք ջա՛հէլ, գուցէ Հիմա լաւ չհասկանաք: Ամենածանրը կեանքում այն է, երբ մարդ հաշտ չի լինում իր խղճի հետ:

ԱՇՈՏ - Դուք դարձեա՞լ զնալու էք Դիքսօն կղզի:

ԱՆԾԱՆՕԹ - Երեք չարաթից վերջանում է իմ արձակուրդը:

ԱՇՈՏ - Երեք չարաթից ես կը վերջացնեմ քննութիւններս:

ՍԵՂԱ - Ես էլ:

ԱՇՈՏ - (Անձամօքին) Մենք կը գանք ձեզ հետ:

ՍԵՂԱ - Այո՛, մի բուռ հող կը տանենք Հայաստանից, ծաղիկներ կը տանենք...

ԱՆԾԱՆՕԹ - Ես այդ յոյսով էլ գայիս էի:

ՍԵՂԱ - Իսկ մայրի՞կը...

ԱՇՈՏ - Չգիտեմ: Բայց մենք կը գնանք:

ԱՆԾԱՆՕԹ - Նա խօսում էր սխալ ապրած տարիների մասին:

ՍԵՂԱ - Մի ժամ առաջ ես չգիտէի, որ աշխարհում գոյութիւն ունի Դիքսօն կղզի...

ԱՇՈՏ - Իսկ ես կարծում էի անկեանք մի սառցակտոր է բեւեռային ջրերում:

ՍԵԴԱ - Եւ հիմա յանկարծ դարձաւ աշխարհի ամենահարա-
դատ վայրը մեզ համար:

ԱՇՈՏ - Դիքսօն կղզին...

ԱՆԾԱՆՕԹ - Այո՛, Դիքսօն կղզին...